

مشتاقنامه

محل مطبعه و اداره :

جغسال اوغلانده امنيت
صندوغی جوارنده
شنکول يقوشنده
۲۷ نومرو

امضای :

مسلكمزه موافق آثار
جدیده مع الممنونیه
قبول اولنور

درج ایدلمه یں آثار اعاده اولنماز

دیر ، فلسفه ، علوم ، حقوق ، ادبیات تاریخ ، و سیاسیانده و بالخاصه احوال و شئون اسلامیه بحث ایدر و هفته ده بر نشر اولنور .

آبونه بدلی

صاحب و مؤسسری :

درسعادتده نسخہ سی ۵۰ پاره در

ابوالعلا زین العابدین - ح . اشرف ادیب

تاریخ تأسیسی

قیرله دن مقوا بورو ایله کوندریلیرسه سنوی

۲۰ غروش فضله آلنیر

۱۰ تموز ۳۲۴

سنه لکی	التی آیلانی	غروش
ممالک عثمانیه ایچون	۶۵	۳۵
روسیه	۶۵	۳۵
سائر ممالک اجنبیه	۱۷	۹

آلتنجی جلد

۸ ربیع الاول پنجشنبه ۲۴ شباط ۳۲۶

عدد : ۱۳۱

مطبوعات

زوالی تورکستانلیلر ایچون

«رباب شکسته» نك مجروح آنامز تورکستان آجیه رقا کله یی سسی، صماخ مترقبمزه هنوز کلوب ایرشمه دی. لکن کنج برشاعریمز عزت علوی بك بعضی نجه آرتق کچمشلردن معدود او بویوک صنعتکارک اکسیکلکنی طولدیریور :

ایلك یورد :

— تورکستان زلزله واعانه سی مناسبتیه —

براواده دوشونویور تاصالی براختیار ، هریرخراب .. هرکان سس صانکه بایقوش فریادی ،

سمانی قورقونج ، بویوک برقارتال قانادی قابامش هپ هر طرفده قانی ، اوزون سزراقلر .

ای قارده شلر ! زلزله دن آلت اوست اولان ، بیقیلان بویور بزم - بو اختیار - ایلك یوردیمز ، تورکستان ،

عثمانلیق یوردن چیقدی ، بومقدس طوپراقدن لایقکی که بو آنانک اییی اولسون یاص ، فغان ؟

(آلمانو) ده ، (یدی صوده) ، قارواستنده آچ ، چییلاق ایکیلده یور سقط کنجلر ، اختیارلر ، یتیمار ،

بختسزلری - یازیق ، یازیق ! - یوقسولقلر بوغاجاق . بوتون بونلر اوز قارده شدر ، امداد ایستر ، ایستلر ،

هرشی دیبور : جنسه یاردم !.. ویرمهم دیه آه صاقین ! طول قادینلر وکنج قیزلر دوشمانه ثل آچاسین !

« طنین رفیقهمزدن »

روسلرک روسیه مسلمانلری حقنده کی ظنلری

« نوویه وره میا غزته سنه قازاندن یازیلان بر مکتوبک عینا ترجمه سی : « قرق ، الی سنه قدر قازانده یانمایانلرک هپسی ، بو صوک سنه لرده مسلمانلرک روسلر ایله اولان مناسبتلرینک سبتون دیکشیدیکنی بک آچیق کورور . مسلمانلرده روسلردن آیریلماق فکری دوغدیغی کبی ، روسلر قارشلی قیلرلرند بر عداوت حسی ده اویانمشدر .

« قازان تاتارلانی » آره سننده ظهور ایدن بویکی حالار ، اتحاد اسلامدن باشقه بر شی ایله تفسیر ایدیله مز . بو صوک یکریمی بش سنه ظرفنده دنیانک هرکوشه سننده مسلمانلرک اویانمقده اولدقلری کورولمکده دز . بو حرکت روسیه ده : خیوا ، بخارا ، قافقاسیا ، قریم ، قازان ، اورنبورغ ، اوافاوسلر یلرده کی اوتوز میلیون مسلمانیه احاطه ایتمشدر .

۱۹۰۷ سنه سننده مسلمانلر آره سننده بر عمومی اسلام قونفره سی — « مؤتمر اسلامی » یامق فکری ظهور ایتمشدی . او قونفره نك

مقصد افصاسی : کاه مصرده ، کاه مقام خلافتده اجتماع ایدوب ، اسلامیتک واسلاملرک جانلامه سنه چارملر ، واسطه لر آرایه حق ، صوکره دینی و سیاسی بر اتحاد اسلامک حصوله کله سنه چالیشه جقدی . بو فکرك یعنی دینی اتحادک بر آن اول حصصولیچون ابتدا قرآنک صورت تحریر وطبعی برلشدرمک دوشونولدی . تاکه شریعت اسلامیه نك منبعندن استنباطده بر کونا اختلاف حاصل اولماسون . بو وظیفه یی قازانده الیوم اون اعضادن مرکب بر هیئت اجرا ایتمکده در .

مسلمانلرک ۱۹۰۶ سنه سننده نیژنی — نوو غورودده کی عمومی اجتماعلری ، اتحاد اسلامه پک بیوک ومهم بر خدمت ایتمشدر . بواجتماعدن صوکره روسیه نك هر طرفنده کمال جدیت وفعالیتله اتحاده چالیشلمقده در .

روسیه مسلمانلری مختلف تورک لهجه لرله متکلم اولدقلرندن اتحاد اسلامه بر آز مشکلات ویره چکی نظر دفته آینه رق ، عمومی بر تورک لهجه سننک میدان کتیرلمسی دوشونولدی . بوکاده اک زیاده خدمت ایده جک لهجه ، عثمانلی تورکلرینک ادبی دیلی اوله جنی طانیلوب قبول ایدلدی . وبو لسانک بتون روسیه مسلمان مکتبلرند اوقوتدیرلمسه ، چاره لر ، تدبیرلر اتخاذ اولوندی . عین زمانده تاتار مکتبلرند روس دیلنک اوقونمامسی ایچین ده شدتلی پروپاگاندا لر اجرا ایدیلیمکده در .

قازان شهری ، عموم روسیه مسلمانلرینک معارف مرکزیدر . بناء علیه قازانک بلدییه اداره سی ده مسلمانلرک تحت نفوذنده بولنیور . روسلرک عطالتی سایه سننده مسلمانلرده بر « تورکستان » تشکیل ایتک امید کیتمکجه میدان آلمقده وبو امید یکی یتیشن مسلمان کنجلرینک دماغلرند پک ایی یرلشمکده در .

« نوویه ورمیا » غزته سننک نشریاتنه جواب اوله رق عثمانیشر لوید دییورکه :

« روسیه اسلاملری بانقه وسائر مؤسسات مالیه وجوده کتیردرک ساحه اقتصادده دهافضله بر موجودیت ابرازی صورتیه برنوع استقلال سیاسی به مالک اولمق غایه سنی تعقیب ایدیورلر . روسیه ده کی پاناسلامیزم صرف برماهیت اقتصادی بی حائزدر . مذکور مملکت اسلاملری ساحه اقتصادده ضعیف اولان برملتک آمال سیاسی تعقیبنه حق اوله میه جنی آکلامشدردر .

نوویه وره میا غزته سی بونی آکلامامش کورونیور ، وبتون دنیایی ، بالخاصه روسیه یی تهدید ایدن اسلاملرک تمصبندن بحث ایلور . حال بوکه بوبرخطای فاحش اولوب افکاری تهییج ایتمکدن بشقه برشیته یاراماز . عالم اسلامده تعصب موجود اولیوب سائر مذاهبک ده بونی نمونه امتثال اتحاد ایلیمسی شایان تمبیدر . اگر شوراده بوراده بزقاج جاهل وارسه بونلر نظرا اهمیته آلمغه شایان دکلدز . نوویه وره میا غزته سی روس اسلاملرینک افکار معتدلا نه و حقتشناسانه سنی ، استعداد صنعتکارانه لرینی ، ترقیه ، شرائط اجتماعی لرینی اعلایه مصروف

وقرا کلق زنداندن قوتارمش و بوجاهد محترمده حیات و حریتہ قاووشنجه ، بلا توقیف غروب ایدن « هلال » ک یرینه « شهاب ثاقبی » یاغیرمهیه باشلامشدر .

بویله همتلی قرداشلر ظهور و تکثر ایتدکجه « هلال » حقنی النیه قزانیر دشمنلرینه قارشئ « تیمور قازیق » کبی دیکیلوب اصلا باتماز...

اتحاد اسلام حرکتی

« نوویه وره میا » غزته سندن :

« کچنارده تلغراف آژانسئ ، ایرانده اتحاد اسلام حقنده نشر اولنان بیاننامه نك توجه عمومی به مظهر اولمادیغنی بیلدیر یوردی . بوقیصه جق جملهلر بیوک بر معنایی حاویدر . فارسیجه نشر اولنان « شمس » غزته سی ، احمد ضیا بك نامنده بر ذاتك ایران علماسی نزدنده بروطفه مخصوصه ایفا ایلمك اوزره ایرانه واصل اولدیغنی یازمشدی . مومی الیه ، ترك قومیتنه منسوب اولمقله برابر « اتحاد و ترقی » جمعیتله ده صیقی مناسباتده بولمقده در . احمد ضیا بك ، صاحب ثروت بر ذات اولوب ، بروطفه ایله تأمین معیشته مجبور بولمندیغندن یالکیز اتحاد اسلام اوغورنده چالیشمه حصر وجود ایلمشدر .

« نوویه وره میا » غزته سی کنج ترکله پان اسلامیزم املتی اسناد ایلمه رك دییورکه : « عثمانی اداره جدیده سنك رجال مشغوله سی ، دولت عثمانیه نك راحت بر اقلمقندن بشقه بر آرزوسی بولمندیغنی و مشاغل داخلیه سنك کثرتی سببیه کنديسنك هیچ برکونا آمال خیالپرورانهیه قابیلحق زمانی اولمادیغنی صیق صیق اعلان و بیان ایلمکده درلر . حالبوکه عین زمانده « اتحاد و ترقی » جمعیتله صیقی مناسباتی بولنان بعض ذوات و غزته لر ، ایران ، آسیای وسطی ، هندستان و مصرده اتحاد اسلام افکاری نشر ایلمکه دوام ایتمکده درلر . بویولده ابراز اولنان فعالیتک ماهیت سیاسیه سی ، عثمانی ایمبراطورلغنی مرکز اسلامیت و حکمدارینی ده ملل اسلامیه نك رئیس عمومیسئ اتخاذ ایلمکدن عبارتدر .

کچن عصر ظرفده اروپا اقوامنك حرکات تاریخیه سی ، هر قومك کسب استقلال ایله برر حکومت ملیه تأسیس ایتسی امانی تعقیبیدن عبارت ایدی . اتحاد اسلام آمالی ایسه ملیت حدودی داخلنه صیغما مقده در . آمال مذکوره ، اقوامی ، بر رابطه قومیه دکل ، مناسبات دینی و واسطه سببه توحید ایتک ایتسور .

اتحاد اسلام املنك حیز حصوله کلسی ، حیات حاضره نك تاریخده کی صلیب احمر دورلرینه یعنی بتون اروپا ، آسیا و آفریقانك اسلاملق و خرسیتیانلق عالماری دییه ایکی قسمه آیرلدینی زمانه عودت ایلمسی دیمکدر .

تاریخی تبدیل ایتک ممکن دکدر . فقط قائل مصداقه لر تولید ایده جک ماهیتده هیجان حصوله کتیرمک کوچ برشی دکدر . اتحاد اسلام تعصبی نتیجه سی اوله رق حصوله کلن ایجان وقعه سی خاطر لرده در . بوکون هندستان ، مصرده اتحاد اسلام حرکتی مشاهده اولمقده در . اهالی اسلامیه نك کثیر بولندیغنی ممالک واسعه ده اتحاد

اولان مساعیسنی تدقیق ایدرک بو وطنداشارینی دهایی طانیه بیلیردی . روسیه ده اسلامیت بیوک بر عنصر اقتصادی حالتی آلمش و کندی ترقیسنه چالشمقله برابر ترقیات ملییه ده صرف غیرت ایتمکده بولممشدر . روسیه ده صرف ایدیلن مساعی عالم اسلامك مرکزنده ، ترکیه ده دماجرا ایدلمشدر . بونکله برابر روس اسلاملری ترقیات اقتصادییه طوغری یاواش و متردد خطوات ایله ایلر یلمکده در .

قافقاسیه ده طوغوب باتان ، هلال ،

کچن هفته نك شتونی صره سنده ، قافقاسیاده « هلال » آدلی بر آرقداشمزك چیقدیغنی و اوچنجی نسخه سندن اعتباراً روس پولیسئ طرفندن قبادیلدیغنی یازمشدق . بو هفته قبادیلمه سنی انتاج ایتش اوچنجی نومروسی اداره خانه مزه کلدی . بونی کوروبا کلا دق که روسلرک جبریه شهیدلک کورغمز 'ولان بو 'هلال' ، بزم مسلمان - هلالك یاریم عصرلق افولندن صوکره قافقاسیاده تکرار طلوعی ایش ... «هلال» قارده شمزك سرلوحه سی قوجامان بر عثمانی هلالی : اوچنجی نومرونك باش مقاله سی ایسه شو ایکی بیت ایله نهایت بولیور :

دوزخ مکانم اولسه ، بکانه جنت عد اولیر ،

عثمانیان ایشیدسه م اولوب تاج سر بزه ...

بوپك اهمیتلی مقاله نك برایکی فقره سنی ده نقل ایده لم : بوکون حکمداران اسلامك ملجاء و پناهی ده اطوغریسی الک برنجی استنادکاهی اولان دولت عثمانیه نك علیه چالیشان اعادینك دسیسه سنه دلداده اولوب ، اولرک الفتات فساد انکیزانلرینه حالا قابیله جقمیز ؟ عثمانیلر کندی تنظیمات داخلیه لر یله بودرجه مشغول اولدقلری حالده بردقیقه جق اولسون ایستر ایران اهالیسنی . ایستر قافقاز اهالیسنی اصلا اونودمیورلر . عثمانیلدن کلن تلغرافنامه لرک مألندن قانمزك اخرنجی دامله سنه قدر ایرانی یالکیز براقیه جفز ، فکری بیلنوب طوریر کن بعض عربلر « خلافت امام یحیی مستحقدر ، ادعاسیله تجاوزانه قالیشمه لرئ نه قدر شایان تأسفدر .

«هلال» ک خوش بر منظومه سی ده وار . ایشته بر قاج مصرعای :

مطلقیت هاردان (نره دن) استحصا ل ایدرار باب ظلم
اورتاده مملکت بیقان بی قرب جاسوس اولسه ؟
ایلر (سنه) ایله قول اولان ملت نیجه ایتسون قیام
حقنی آلق ایچون علمیه مأنوس اولسه
حیات ، ظلم جاسوز رئیس و عجر صرئوس اولماسه .
سهل اولور انسانلره دنیا ده اصرار
فی المثل ایرانیان تأمین استقلال ایدر .
بوم حریت طانیلمش نیجه روس اولماسه ...

شاعرک فرشته الهامی محیطی اونوده رق ، بو قدرجه احرارانه یروازه باشلا نیجه « بوم حریت اولان نیجه روس » در حال یا قاسنه یا پشمش و غزته سنی قاباندقندن باشقه ، کنديسنی ده با کو حبس خانه سنه طیقامشدر . فقط با کوده حیمتلی زنکینلر و ارایمش ؛ بونلردن بریسی همان حبس خانه یه قوشه رق ۷۵۰۰۰ غروش کفالت نقدیه ایله ، «هلال» ک سر محرری و منظومه نك شاعری اولان علی عیاض بك قارده شمزی دار